

6-§. Xarajatni aks ettirish

34. Nomoddiy aktivni xarid qilish yoki barpo etishga taalluqli bo'lgan, nomoddiy aktiv ta'rifini qanoatlantirmaydigan yoki ushbu BHMSning 6-bandida ko'rsatilgan shartlarga javob bermaydigan xarajatlar yuzaga kelgan hisobot davrida xarajat sifatida aks ettirilishi lozim.

35. Nomoddiy aktivlarga taalluqli bo'lgan, dastlab davr xarajatlari sifatida aks ettirilgan xarajatlar keyingi davrlarda aktiv sifatida aks ettirilmasligi kerak.

36. Nomoddiy aktivlarni foydalanish uchun yaroqli holatda tutib turish va undan foydalanishdan kelgusidagi iqtisodiy nafning dastlab belgilangan miqdorini olish uchun amalga oshirilgan xarajatlar hisobot davri xarajatlari tarkibiga kiritiladi.

37. Nomoddiy aktivlar bilan bog'liq keyingi xarajatlar amalga oshirilgan hisobot davrining xarajatlari sifatida tan olinishi lozim, agarda:

a) bu xarajatlar aktivlarga bevosita aloqador kelgusidagi iqtisodiy nafni ko'paytirish imkonini berish isboti mavjud bo'lmasa;

b) bu xarajatlar o'lchanishi va ushbu aktivga yuqori darajada kiritilishi mumkin bo'lmasa.

Ushbu shartlarga rioya etilgan holda nomoddiy aktiv bilan bog'liq keyingi xarajatlar uning balans qiymatiga kiritilmaydi.